



CONVENIO DE COLABORACIÓN Nº 3742/11 ENTRE O INSTITUTO MUNICIPAL DOS DEPORTES DE VIGO E O CENTRO ESCOLAR IES A GUÍA POLA UTILIZACIÓN DA INSTALACIÓN MUNICIPAL DO PAVILLÓN DE TEIS E A PISCINA DE TEIS PARA IMPARTIR A DOCENCIA DAS CLASES DE E.F.

Dunha parte D. Abel Caballero Álvarez, Alcalde do Concello de Vigo e D. Jose Manuel Fernández Pérez, Presidente da Xunta Rectora do IMD de Vigo.

Doutra parte Dña. Lina Arias Ferreiro, como representante legal do Centro IES A Guía, tal como acredita.

MANIFESTAN QUE

O Concello de Vigo, a través da súa Concellería de deportes e do Instituto Municipal dos Deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre a que se atopa a do ámbito educativo.

O Centro escolar IES A Guía, desenvolve a súa labor formativa nas súas instalacións, ubicadas na Avda. Dña. Fermina, 1, próximas ó Pavillón Municipal de Teis. Este centro público educativo non dispón do espazo suficiente, necesario e axeitado para o desenvolvemento das clases de E.F.

A Ordenanza Nº 52, Reguladora de prezos públicos pola utilización das instalacións deportivas municipais pertencentes ó IMD, no seu artigo 6, apartado a), establece que "os colexios públicos que carezcan de instalacións deportivas suficientes e demanden a utilización de instalacións deportivas ó IMD para a realización das actividades docentes de Educación Física coa autorización expresa do Presidente do Consello de Administración do IMD, condicionada á ratificación definitiva polo devandito Consello de Administración, estarán exentos do pagamento dos prezos públicos correspondentes.

As actuacións de colaboración entre administracións no eido do deporte e a E.F. pode contribuir a consolidar hábitos de vida saudable, a mellorar a condición física da poboación escolar da cidade e a mellorar as condicións nas que se desenvolven as actividades docentes de Educación Física.

Polo cal procédese asinar un convenio de colaboración que rexirase polas seguintes cláusulas,



CLAÚSULAS

1. Este convenio establécese como marco de entendemento e colaboración mutua que permita desenvolver as actividades docentes de E.F. do Centro escolar IES A Guía nas instalacións Municipais do Pavillón, a Piscina de Teis, e puntualmente as instalacións de tenis de samil e os frontons descubertos de Travesas.
2. O Centro escolar IES A Guía en base ó artigo 6, letra a), da ordenanza Nº 52, Reguladora de prezos públicos pola utilización das instalacións deportivas municipais pertencentes ó IMD, estará exento de abonar o prezo público correspondente a utilización da instalación obxecto do presente convenio, e que ascende ó importe estimado de 3.630,45 €.
3. O Centro escolar IES A Guía comprométese a desenvolver as clases de E.F. nas condicións establecidas no presente convenio, na instalación deportiva municipal do Pavillón e a Piscina de Teis, nos horarios e datas establecidos no presente convenio.
4. O Centro escolar IES A Guía presentará, á sinatura do convenio o listado de cursos que desenvolverán as clases en cada franxa horaria.
5. O Centro escolar IES A Guía é o responsable do desenvolvemento das clases na instalación Municipal, debendo estar presente na instalación en todo momento o responsable da clase.
6. O Centro escolar IES A Guía comunicará ó IMD con antelación suficiente calquera cancelación ou alteración nos horarios das clases.
7. O IMD non terá ningunha responsabilidade co calquera incidente que poidera resultar derivado do desenvolvemento da actividade docente.
8. O centro educativo presentará unha póliza de responsabilidade de cobertura da actividade previa á sinatura do convenio.
9. Os alumnos que desenvolvan a actividade na instalación será exclusivamente os vinculados ás clases de E.F. do centro, non estando permitido ningún outro uso que non sexa a impartición da docencia.
10. Os alumnos accederán á instalación precedidos polo docente responsable da clase, non estando permitido o acceso dos alumnos en caso contrario. Da mesma forma, o docente será a última persoa en abandonar a instalación, asegurándose de que ningún alumno ou alumna queda na instalación.



11. O Instituto Municipal Dos Deportes de Vigo, aportará o espazo para o desenvolvemento das clases.
12. O IMD resérvase a posibilidade de dispoñer da instalación por cuestións de programación. Neste caso se avisará por escrito á entidade, debendo ésta cancelar a docencia na instalación Municipal.
13. A vixencia deste convenio é para as citadas actividades nos seguintes horarios para o curso académico 2015-2016:

Para a presente tempada o IES A GUIA realizará o seguinte uso das instalacións, a posibles modificacións solicitadas polo centro, en todo caso, estarán supeditadas a criterios de organización e dispoñibilidade de instalacións:

1º Trimestre	
Piscina Teis: 3 días á semana/ 3 rúas	Luns de 9:50 a 11:30 Xoves de 12:00 a 13:40 Venres de 12:50 a 14:30
Pavillón Teis: 5 días á semana	Luns de 8:10 a 9:30 De Martes a Venres de 8:10 a 10:10.
2º Trimestre	
Piscina Teis: 5 días á semana/ 3 rúas	Luns de 8:10 a 11:30 Martes de 12:50 a 14:30 Mércoles de 12:50 a 14:30 Xoves 12:00 a 15:20 Venres 12:50 a 14:30
Pavillón Teis: 5 días á semana	Luns de 8:10 a 9:30 De Martes a Venres de 8:10 a 10:10.
Pistas de Tenis e Padel de Samil:	Horarios supeditados a organización e distribución de instalacións
3º Trimestre	
Piscina Teis: 3 días á semana/ 3 rúas	Luns de 9:50 a 11:30 Xoves de 12:00 a 13:40 Venres de 12:50 a 14:30
Frontón Travesas	Horarios supeditados a organización e distribución de instalacións

14. O Convenio deberá renovarse curso a curso, previa solicitude do Centro escolar IES A Guía, nas datas establecidas na normativa do IMD.



15. O Presidente do IMD queda facultado para resolver calquera dúbida ou litixio que puidera derivarse do desenvolvemento deste convenio.

Como proba da conformidade asinan en Vigo o presente convenio por triplicado, o día 25 de Setembro de 2015.

O Alcalde do Concello de Vigo

O Presidente do IMD.

Asdo. D. Abel Caballero Álvarez

Asdo. D. José Manuel Fernández
Pérez

A Directora do IES A Guía.

A Secretaria da Xunta Rectora do IMD

Asdo. Dna. Lina Arias Ferreiro

Asdo. Dna. Concepción Campos
Acuña